

ՔՐԻՔ ՔՐԻՔՈՐԵԱՆԻ ԱՐՅՈՒՆՔԸ

Posted on May 13, 2016 by Keghart



Category: [Opinions](#)



Մեր Պարզեւ Դաւիթեան , Թորոնթօ, 14 Մայիս 2016

✘ Հայրենի «ԿԵՆՏՐՈՆ» հեռատեսիլի կայանէն տրուած հարցազրոյցի մը ընթացքին, ամերիկահայ ծանօթ հասարակական գործիչ եւ խմբագիր Յարութ Սասունեան, որ կը վարէր միլիառատեր հայ բարերար Բրոք Բրոքորեանի հիմնած «ԼԻՆՍԻ» բարեսիրական հաստատութեան հայկական բաժնի տնօրէնի պաշտօնը, պատմեց թէ ինչպէ՛ս նշմարած էր արցունք Բրոքորեանի աչքերուն մէջ, երբ ան առաջին անգամ ոտք կը կոխէր հայրենի հողին վրայ: Այդ ազգային համեստ բարերարը, որ առանց ֆանֆարի տուած էր հարիւր միլիոն ամերիկեան տոլար Հայաստանի ճամբաներու նորոգութեան եւ շինարարութեան համար եւ արդարօրէն արժանի դարձած էր ազգային հերոս կոչումին ու պատուին, ըստ Սասունեանի, որ ճանչցած էր Բրոքորեանը երկա՛ր տարիներ, իր ներկայութեան երբեք այդքան յուզուած չէր եղած:

Մեր Պարզեւ Դաւիթեան , Թորոնթօ, 14 Մայիս 2016

✘ Հայրենի «ԿԵՆՏՐՈՆ» հեռատեսիլի կայանէն տրուած հարցազրոյցի մը ընթացքին, ամերիկահայ ծանօթ հասարակական գործիչ եւ խմբագիր Յարութ Սասունեան, որ կը վարէր միլիառատեր հայ բարերար Բրոք Բրոքորեանի հիմնած «ԼԻՆՍԻ» բարեսիրական հաստատութեան հայկական բաժնի տնօրէնի պաշտօնը, պատմեց թէ ինչպէ՛ս նշմարած էր արցունք Բրոքորեանի աչքերուն մէջ, երբ ան առաջին անգամ ոտք կը կոխէր հայրենի հողին վրայ: Այդ ազգային համեստ բարերարը, որ առանց ֆանֆարի տուած էր հարիւր միլիոն ամերիկեան տոլար Հայաստանի ճամբաներու նորոգութեան եւ շինարարութեան համար եւ արդարօրէն արժանի դարձած էր ազգային հերոս կոչումին ու պատուին, ըստ Սասունեանի, որ ճանչցած էր Բրոքորեանը երկա՛ր տարիներ, իր ներկայութեան երբեք այդքան յուզուած չէր եղած:

Բրոքորեան, որ պողպատեայ վճռակամութեամբ եւ զօրաւոր նկարագրով յաղթահարած էր ամէն տեսակի դժուարութիւն Ամերիկայի պէս կռիւմարտ պահանջող բեմի եւ հարթակի վրայ, հայրենի հողին վրայ վար դրած իր գրահները՝ դարձած էր կարծեք մանուկ իր մօր գրկին մէջ: Եւ պատասխան տալով հարցումի մը, թէ Բրոքորեան իր կտակին մէջ բան մը թողա՞ծ էր Հայաստանին ու հայութեան, Սասունեան ըսաւ, որ դատական եւ օրինական (probate) հարցերու լուծումէն ետք, կտակակատարը, որ լաւ գիտէ Բրոքորեանի ազգային շունչն ու ոգին, անկասկած որ ժառանգը բաժնած ատեն նկատի պիտի առնէր անկէ մեծ բաժին հանելու յօգուտ հայութեան եւ Հայաստանի:

Բրոք Բրոքորեանի արցունքը հայրենի հողին վրայ ունի խորհրդանշական իմաստ:

«Որեւէ անձ իր երկրէն ու հայրենիքէն անելի մեծ եւ կարեւոր չի կրնար ըլլալ», ըսած էր ժամանակին Լիբանանի նահատակ վարչապետ Ռաֆիք Հարիրին, հակառակ անոր որ ոմանք զինք կը նկատէին Լիբանանի տնտեսութեան ու դրամանիշի ապահովագրողը իր ունեցած հսկայ հարստութեան եւ ամուր միջազգային կապերուն շնորհիւ: Նոյնպէս ալ, Բրոք Բրոքորեանը, Մեծն Ամերիկան «գրաւող» միլիառատեր այդ մեծ հայը, հայրենի հողին վրայ իր արցունքոտ աչքերով ցոյց կու տար, թէ հայը որքան ալ իրեն պէս մեծ ըլլայ ու կարեւոր, չի կրնար ըլլալ անելի մեծ ու կարեւոր իր երկրէն կամ հայրենիքէն:

Բըրքորեանի արցունքը եւ իրեն պէս միլիոնաւոր սփիւռքահայերու արցունքները որ կը հոսին հայրենի հողին վրայ ոտք կոխելով, պէտք է հասկնալ որպէս աղբիւր ու գետ զոհաբերութեան եւ մատուցումի, որ պատրաստ է յագեցնելու հայրենի ժողովուրդի յառաջ ընթանալու ծարաւը եւ ոռոգելու ու ծաղկեցնելու մեր հայրենի համեստ ու խեղճ գիւղերը: Հայաստանի մեր ժողովուրդն ալ լեցուն է կենսուժով եւ յաջողելու կարելիութիւններով: Պատճառ չկայ որ երկու կողմերու կարելիութիւնները չօգտագործուին եւ միասնաբար գործի չլծուին՝ որպէսզի ունենանք իսկապէս ԺՈՂՈՎՐԴՎԱՄՐ այն հնարարար-շինարար պետութիւնը, որուն համար, որուն շուրջ եւ որուն առջեւ պիտի գան խոնարհելու մեր բարեկամներն ու թշնամիները:

Վստահաբար մեզմէ շատեր որոնք ապրած են Երրորդ Աշխարհի կոչուող թերաճ երկիրներու մէջ, ցաւով տեսած են ու ակնատես դարձած հանքային ու ոչ-հանքային աղբիւրներու եւ ակերու վատնումը եւ դէպի անօգուտ սպառում հոսող անոնց ընթացքը: Հայաստան թէեւ կը պատկանի Երրորդ Աշխարհի տնտեսական ընտանիքին, ունի տարբեր ընթացքի մը հետեւելու կարելիութիւնը, որովհետեւ ունի լեռ ճեղքելու փորձառութիւն (Արփա-Սեւան փապուղի) սովետական շրջանէն եւ ունի նաեւ ուրիշին նախանձը շարժող սփիւռքեան ուժ ու կորով: Բըրքորեանի նմանները շատ են Հայ Սփիւռքի մէջ եւ կարելիութիւններով լեցուն, որոնք խառնուելով հայրենի ժողովուրդի բնագոյային կարողութեան ու նկարագրային տոկոսութեան հետ, հրաշքներ կրնան գործել եւ Հայաստանը դարձնել թեթեւ ճարտարարուեստի ու արդիական գիտութիւններու կեդրոն:

Կարելի չէ շարունակել նախկին վիճակով (status quo) Արցախի վերջին ճակատումէն ետք, որուն պատճառաւ բազմաթիւ զոհեր տրուեցան եւ մեր ինքնավստահութեան հիմերը խանգարուեցան: Բըրք Բըրքորեանի արցունքը անցեալին՝ թող ըլլայ դաս եւ օրինակ մեր պատասխանատուներուն, որ իրեն նմաններուն հետ գործակցելու լաւագոյն ուղին ճիշդ ու ճշմարիտ հայրենասիրութիւնն է, որ հայ մարդուն կու տայ հայրենի հողին վրայ գործելու եւ ստեղծելու անկաշկանդ ու անսակարկ կարելիութիւն: Այն ատեն, հայ բանակ ու զինուոր, օժտուած գիտական բարձր մակարդակով ձեռք բերուած զինուժով, պիտի արդարացնեն մեր «աջ զարկենք, ձախ զարկենք» ազգային երգին իմաստը եւ վերջ տան թշնամիի ռազմական ախորժակին, փոխանակ մաշելու պաշտպանողական մարտերով ու պատերազմներով:

